

Polis Beri Seminggu Suspek Bersih 3.0 Serah Diri
mStar Online
Mei 09, 2012
Oleh RASHITHA A. HAMID

KUALA LUMPUR: Polis memberikan tempoh selama seminggu kepada semua individu yang disyaki terlibat dalam perhimpunan Bersih 3.0 hingga menimbulkan huru hara di ibu negara 28 April lalu untuk menyerah diri bagi membantu siasatan sebelum tindakan memburu rumah ke rumah dilakukan.

Kesemua gambar suspek sudah disiarkan di dalam akhbar sebelum ini.

"Jika mereka gagal menyerah diri, polis akan mulakan buruan dari rumah ke rumah," kata Pengarah Jabatan Siasatan Jenayah Bukit Aman, Datuk Seri Mohd Bakri Zinin di sini, Rabu.

Sebelum ini polis menyiarkan 110 gambar individu yang dikehendaki dalam siasatan berkenaan.

Orang ramai diminta tampil menyalurkan maklumat berhubung kesemua individu itu kepada polis atau berhubung terus kepada ASP Azmi Aziz di nombor 019-2602 344 atau 019-3872 344 atau email kepada azmiaziz@rmp.gov.my.

Hakcipta Terpelihara © 1995-2012 Star Publications (Malaysia) Bhd

Source:

http://mstar.com.my/berita/cerita.asp?file=/2012/5/9/mstar_berita/20120509140332&sec=mstar_berita